



KRISTIAN THALAI

Kristian Thalal Pâwl Chanchinbu thla tin chhuak

October
2014



Vol V No. 8



Mizoram Synod Choir 2014 - 2016 hlanna



Hospital Charity Fund Synod CKTP-in a hlan

Kristian Ṭhalai Pawl chanchinbu thla tin chhuak

1970-a chhuah ṭan ■ Kum 44-naa vawi 8-na ■ Chhuah tawh zat : 432

Editor :

T. Upa Lalmuanpuia

Joint Editors :

Pu C. Laldingliana

Upa K. Rorelkima

Pu V. Lalrinmawia

Pu Vanlalpeka

Manager :

Tv. R. Lalramnghaka

A lak man :

Kum khatah - Rs. 60.00

Copy khat - Rs. 5.00

Thu chhuah tūr nei chuan
Editor, Kristian Ṭhalai, Synod
Office-ah thavon tūr a ni a; a la
duh chuan KTP Office-ah a man
pēk lāwk a ngai.

Office Phone : 2326372/2335821

E-mail : kristianthalai@yahoo.com
centralktp@gmail.com

Visit us :
cktp.blogspot.com
www.facebook.com/centralktp

KRISTIAN ṬHALAI PAWL

Thupui

Rawngbawl tūra chhandam

Thupui inngahna

Ephesi 2:10 Thil ṭha ti atán Krista
Isuaah chuan siama awmin, ama
kutchhuak kan ni si a, chu thil ṭha tih
chu kan awmna tūrin Pathianin a
buatsaih lāwk a ni.

Thil tumte

1. Isua Krista rinna leh amah anna
kawnga ṭhalaite hrual.
2. Kohhran kut ke ni tura ṭhalaite
buatsaih.
3. Kohhran hnathawh tihpuitlin.
4. Krista Chanchin Ṭha puan darh.

A CHHUNGA THU AWM

- | | |
|--|----|
| 1. Editorial | 1 |
| 2. Nun Krista | 2 |
| 3. Mipa ngei | 6 |
| 4. Ṭhalai entawntlak Epaphrodita | 9 |
| 5. Atheism | 13 |
| 6. Sawi sawi mahse ka ṭawngṭai zel ang | 16 |
| 7. <i>Sunna</i> – Nl. Lalliankimi | 19 |
| 8. <i>Hringlang tlang</i> – Rock Club | 21 |
| 9. <i>Rimawi</i> – Music Bible-ah | 23 |
| 10. <i>Hriselna</i> – Motor ruih | 26 |
| 11. <i>Kantu</i> – Kolasib Hmarveng Branch | 28 |
| 12. Keimahni | 30 |



Pathian hriat

*Khawôêla kan aʼwm chhûng hian sum leh pai leh dinhmun sâng te, hmingthanna te ûm hian hun kan hmang nasa hle. Hêng zawong zawong hi nei thei pawh ni ta ila, a bâkah pawh **duh belh zêlna** rilruin kan khat a, nun hahchawlhna tak tak neih a har hle. Hengte hi kan thlahlel lo tûr chu a ni lo va, eng dinhmunah pawh ding ila Pathian hriatna tak tak kan neih loh chuan lungawina leh nun hahchawlhna tak tak mihringte hian kan nei thei lo a ni. Pathian neitu tak takte chu eng dinhmuna ding chung pawhin lungawoi zêl an chîng a, an hmaah lungngaihna leh lâwmna a lo thlen pawhin Pathian nêen an hmachhawon þhin.*

Setana hian ralthuam a nei þha ngawt mai. Mipat hmeichhiatna te, tangka suma hlâwkna leh nawmsakna te, thatchhiatna leh inthlahdahna te, mahni innngaih pawimawhna te, ruihhlo hmanga þhalaitte min beih dân te hi...Hetianga Setana'n a hmanraw þha ber ber nêna min beih lai hian engtin nge kan lo invên anga, engtin nge kan beih lêt ang?

Kristiante ralthuam þha ber chu sum leh pai te, ropuina lem te, khawôêl thil meterial lam a ni lo va, khawôêl thiamna te leh hausakna te hi a ni hek lo. Lal Isuan Thlarau Thianghlim pêk min tiam kha kan chan phawt chuan chutah chuan thiltitheihna te, lungawina te a aʼwm a, chumi ralthuam hmang chuan Setana hmanruate hi a hneh theih a ni. Sum leh pai ngah te hi kohhran chakna a ni kher lo thei, Thlarau Thianghlim zâra tih tak zeta Chanchin Þha hril hi kohhran chakna thapui chu a ni zâwk.

Thiamna leh finna te hi Pathian hriatna tak tak tel lo chuan hmachhuan tlâk a ni lo va, hmanlai aʼtang tawhin mi tlawm zawkte hmanga mi ropui zawkte hneh hi Pathian duh zâwng a ni fo. Chutih rualin mi fîng leh mi thiam, Pathian hriatna tak tak neitute hlei hlei hi tûnlaiah chuan rawngbâwlna kawngah a thawh hlâwk hlawk an ni duh hle.

*Kawng engkimah, eng dinhmunah pawh ding ila, Pathian hre reng chungin kan hunte hmang ila, a kuta inkawoltir zêl chung a hma lam kan pan phawt chuan Aman min aʼwmpui zêl dâwn a. Chutiang tûr chuan Pathian ralthuam **Thlarau Thianghlimin** i inthuum zêl ang u ♦*

Nun Krista

*Keia tan zawng nun hi Krista a ni si a (Phil 1:21)
Tin Marin ka nun hian Lalpa a chawimawi e (Lk 1:46)*

— Rimawia, Dinthar Vengthlang Br.

Adama thlah kan nihna a kan nun neih hi Lalpan nun tlingah a puang ve lo va. Eden huan luah tlak tawh lo, amah hransanna soal thuhnuaiia kun, hremhmuna tla tur nun a ni. Mahni tana nung, hmasial leh a ðha ber hauh a, mi dang aia mahni dik bera inngai nun a ni. Vanram a ban phâk tawh lo, mittui tla fap fap chungin kan pi leh pute chu Eden huan pâwnah hnawhchhuah an lo ni ta. Chu Eden huan pâwna hremhmun hmabâk te ko haw leh tur chuan Pathianin a fapa a rawn tir ta a. Adama nunna laihruia kan zawmna chu Kraws mihring hlui tihlumna hmunah min chhahsak a. Rinnain Krista nun a lo ðawm a, mihring felna leh suauna a ni tawh lo va, Krista felna a ðawm chiah khan Nun Krista a lo inñan ta a ni.

Chu Nun Krista chu thihna ngamloh tholeh nun a nih avangin thihna pawh hlawkna a lo ni a. A nunna Isua a nih tawh avangin thlemna thlipui karah nghing lovin a ding nghet a. Harsatna a tawh tam poh leh Krista hnehna a chiang zual a, fiahnaah an ding nghet a. Zan a thim poh leh arsi a eng fiah ang maiin damdawi in awm ngaih lai pawhin Krista hmel a chiang tual tual a. Retheihnain Lal hmel a ngaih zualtir ðhin. Hmuhsitnaah Krista tlawm hmel a chiang tawlh tawlh a. Sawichhiatna tinrengte chu hmangaihnaah a dawng dai ðhin a. Tuarna a nasat poh leh Krista leh vanram a ngai zual a. Lei rimchhia hip tawh lovin vân rim an nam châk châk tawh ðhin. An nun tihausatuah an hmang tawh zawk ðhin a ni.

Paula chuan nun hi Krista a ti ngam a, min zirtu ni rawh u a ti ngam a, tlanche chungin, biru chungin thu a sawi ve ngai lo va, a nun peng tin leh che vel tinreng chu a duh apiangte hriat turin a pho lang ngam. 'Kei chu min en lo ula,' tia mi dang sawi khum ching a ni ve lo. Mari'n, "Ka nun hian Lalpa a chawimawie," a ti ngam ngat bawk. Keini chuan hmui hi Krista tih ang maiin ṭawngkamin Isua kan chawimawie a, kan ni tin nunin Isua chil a chhâk rang nuau si a. Pulpit-a kan sawi Isua hi kan nun hmututen an it lo fo zawng a nih hi. Chuvangin, ṭawngkama kan sawimawie chawp ngai lovin kan nun hian mite hmaah Krista duhawmna tar lang ila. Ringlo mite chil tipût khawpa kan rawngbawlsakte hmaa Krista nun tar lang turin Nun hi Krista i ti ve ang u.

2 Kor 3:2-3 "Nangni hi kan lehkha, kan thilunga ziak, mi zawng zawng hriat leh chhiar chu in ni. Krista lehkha keimahni min ziahtir..." Chanchin Ṭha nemkaina, Chanchin Ṭha bu 5-na kan ni.

Ringlo miten Bible chhiar tur an nei lo a nih pawhin i nun Krista lehkha an chhiar thiam. Naupang ziak leh chhiar thiam lo pawhin nu leh pa nun an chhiar thiam. An tan copy book kan ni tih hi a dik a ni. Billy Grahama'n Chanchin Ṭha bu 5 a awm, a pangana chu i nun kha a ni a ti. Isuan a hmel a tar lang dawn a nih chuan vânthengrengah emaw hmundangah emaw ni lovin i nun kha miten Isua an hmuh nan a thlan nawn fo ka ring.

Nun Krista chu lawm zel nun a ni (Phil 4:4, 11-13; Job 6:10)

Nun Krista neitu chuan a hawina leh a thlen chin apiangah lâwmna hlir a hmu ṭhin. Khawvel tihrehawma, chhungkua tiṭapa tilungngai ṭhin te hi lawm thei loho an ni. An kalna apiangah vuina tur leh thinrimna tur hlir an hmu. An neih an thlir a, duhamna mit aṭangin tlem an ti a. Vanduai bik intiin an vui a, an indawm kun mai ṭhin. Nun Krista chuan pawn lamah lungawina an zawng lo va, chhungril lama lungawina Krista chenchilhna avangin

lungawi lohna khawvelah an lungawi a, hlim lohna khawvelah hlimna hla an sa thei thin. Rangkachak fiah nan mei an hmang angin ringtu tak fiahna chu harsatnaah a lo lang thin. Thlipui nuai chhiat zawh loh thing chu a hman tlak thin ang hian harsatna leh fiahnain a nuai chhiat theih nge kan nih thlarau lama a chawi kan. Josefa chuan thlemna awm thei zawng zawng a hneh hnuah lalthutthleng a luah ang khan. Keini pawh chutiang ni tur chuan Lalpan min ko mek a ni. Natna leh bawrhsawmna, vanduaina lo thleng hian Nun Krista a ti nghing ngai lo. Vanduinain Lalpan an in zawmna a tichhe phak lo. Joban natna thlah lo chung pawhin 'ka lawm zel ang' a lo tih angkhan dam avanga lawm ni lovin nat lai ngeia lawm turin min ko zawk a ni. Malsawmna dawn avanga lawm chu tisa mi leh ringlo mite nena kan inlawm theih lawmna a ni. Ringlo mite an kun ngaih ngaihna leh an lawmna a tawp ve hunah Nun Krista neitu lawmna a inlan dawn chauh thin.

Nun Krista chu tlawm zel nun a ni (Phil 2:5 Mt 23:6-12)

Engkim buaina leh kehchhiatna chin felna chu Lalpaa tlawmnaah a inngat a ni. Talhfiak leh hremna leh mi rik rapna in chhungril a titlawm ngai lo. Khawvel hneh nan ralthuam leh sipai chakna khawvelin hmang mah sela Krista chuan tlawmna leh hmangaihna leh khawvel a ngam. Hnehtu nun dik tak chu tlawmnaah Lalpan a dah a, tlawm ngamten chu hnehna chu an chang thin. Thlarau mi dik tehna hi lam thiam leh thusawi thiam, talent dawn lamah ni lovin a tlawm zel em tih a ni. Meiling chu sa hle mah se tuisika chiah rual rualin a thiltihtheihna a tawp ang mai hian thinurna meialh anga sa hi Kristaa tlawmna tluantlingah inchiah la, Setanan chhungkua, nupa, inthenawm khawvenna tihchhiat a tum vena zawng zawng a tawp ang a, zak takin hawihai zetin i siam thei dawn a ni.

'Chapona chu tlukna hmaah a kal' Bible-in a ti. Chapona hi ramhuai zia dik

tak a ni. Eden huana sual laka kan rochun, Setana laka kan chhar kan dah leh thiam tawh loh a ni a. A hnawk tak zet a ni. Bible-in chapo a dodal si. Krista tlawmna Nun Krista-ah luhpui rawh le. Tui chu chho zawnga a luang ngai lo angin ranthleng aia sang a chaponan i nun chu a ro ngawih ngawihin thlaler hnimbuk to ri re ang i lo ni ang.

Nun Krista chu ngaidam nun a ni (Mt 18:21-35)

Sual sualin thungrul suh ula. Thatnain sual chu ngam zawk rawh u...

Phuba latu nih aiin ngaidamtu nih a ropui zawk. I biang lehlama bengtu chu lehlam pawh dawh rawh. Pathianin min ngaidam tih hi piantharna a la ni lo va, a nun min pek ngaidamtu nun, Nun Krista neih hi Piantharna a ni. Mt 18:21-25 Bawih ngaihdamna chang siin a bawihpui a ngaidam ve lo kha Isua a lawm lo a ni. Ngaidamtu Pathianin ngaihdam ve a phut. Ringtu

nih nawmna chu hmelma leh huat kan nei lo hi a ni.

Bethlehem ranthleng leh krawsa Isua tlawmna hmanga mi zawng zawng inrem hi Pathian thil tum a ni. Remna siamtu chu an eng a thawl e. Pathian faa vuahin an la awm dawn si a...Buaina siamtu chu a chung a pik e. Setana faa vuah an la ni dawn tih nen thuhmun a ni.

Kohhran leh pawl zawng zawng hi pawn lam beihnaa keh a awm ngai lo. Pawn lam beihna a nat poh leh a chhunga mite an tang rual thin. Chhung lam inrem lohna puakkeh atanga keh chhe vek a ni. Kohhran leh khawtlang leh ram damna chu inngaidam tawannaah a awm a ni. Remna leh muanna hi silai kawhmawra awm a ni lo va, Isua Remna Lalalnaa lo thleng tur a ni e. He thuchah tawi te chhiartuten huat leh tai tlat kan neih chuan Krista ngaihdamna kengin i inngaidam vek ang u.



Mipa ngei

—Pastor K. Lalzarzova
Zaite

Mizo hmeichhe zaithiam lar tak Lalrindiki Khiangte hla pakhtah khan, “Kei zawng ka thlang Mizo val ngei...” tih a awm a. Mizo nulaten Mizo mipa ngei an thlan thu khan Mizo mipa rilru kha zu hneh riau a...

Mipa te hi

Mi thiamte chuan Juda mipaten Jentail leh hmeichhiaa an lo pian loh avangin lawm thu an sawi ðhin niin an sawi a, dik maw dik lo maw ka hre law. Eng pawh ni se, mipa han nih bik hrim hrim mai hi a nuam veng veng hian ka hre ðhin. Kan farnuten thla tin hmeichhia an nih man hlawh an lak avanga na, nuam lo ðhem ðhum an neih ang han neih ve miah loh te pawh hi lawmna tham chu a ni. Rilru lamah pawh hmeichhia aia rilru zau leh lian, hriat thiamna pawh

ngah zawka Pathianin min han siam hrim hrim mai te, hmeichhia aia huaisen tur te, chel tur te, chak zawk fe tur tea Pathianin mipa min lo siam te hi ngaihtuah chian hi chuan a lawmawm ðhin a ni. Kan tel lova hmeichhe nun han kim lo riau mai te hi mipa hlut vena pakhat chu a ni ve chiang alawm.

Tichuan...

Mizote hi Pathian hnam thlan kan ni e an ti ðhin a, a dik ka ring. Lalpa zawn chhuah ram kan ni an tih te hi a awihawm hian kan hre ðhin. Ka ngaihtuah fo ðhin a, eng vangin nge Mizote hian Chanchian ðha hril hi kan châka, kan phur em em tih hi. Veng/khaw khata nula tlangval fel deuh chin hi chuan vawi khat tal chu missionary-a chhuah duhna rilru (missionary zeal) hi an pu deuh fur em aw ka ti ðhin. A ðthen chu an han dil a, lak an lo ni a, an kal ta vang vang a. A ðhente erawh chu lak an nih lem loh avanga dil zui ta lo te pawh an awm bawk awm e. Ni, vawi khat dam ve mana,

kan that lai, kan chak lai ngei maia kan Pathianin mi soal boral tur min chhandamna atana a Fapa Lal Isua hmanga chhandamna famkim min buatsaihsak thu, la hre ve miah loten an hriata, an lo rin theihna tura han pen chhuah ve ngei mai hi Kristian thalai, rawngbawl tura chhandamte tan hian a awm a, a nuamin a dik a ni.

Mahse...

Mahni insitna hian mi tam tak min sal bet niin ka hre thin. KṚP member tam tak thinlungah hian missionary nih chakna hi a awm thin a, tunah pawh hian a awm mek ka ring. I rilruah khan Pathian rawngbawl tura hun puma chhuah chakna i nei a; mahse, zirna lamah i thleng sang lo a ni maw? I inkiltawih mai dawn em ni? Kan Synod Mission Board hian ruahmanna thar a siamah chuan, missionary lak tharte contract hlirin a la ta a, thiamna lamah sang viau lo mah se, rawngbawl duhna rilru an neiha, an thawhna tur ram mite tawng an zir peih dawn pawt

chuan remchang an siam ta zel a. Lehkha thiam sang deuh an nih pheii chuan a tha hlei hlei. Kan rawngbawl na hmun hrang hrangah hian school eng emaw zat kan nei a, heng kan school-ah te hian Science leh mathematics lam thiam te hi kan mamawh thei hle a, kan thalai Science lam thiamte hian missionary nih hi rawn chak thar zel ula kan va ti em! Chuvangin, i thawh tur hna tam tak Lalpan a nei tih kha lo hre thar leh teh. "Kal chhuak thei lo te pawhin", tia mahni in lum atanga lo thlir ringawt mai lo khan...nang KṚP member duh tak, hrehawm tam tak tuar huamin i pen chhuak dawn em?

Mipa ngei

Kum tinin Synod Mission Board hian kum tawp lamah thawktu a la thar thin a, diltu pawh an awm viau thin a, a lawmawm. Mahse, thil pakhat buaithlak a awm. Kan rawngbawl na hmun hrang hrangte hi hmun hla leh chengker tak tak, hmun lum leh hrehawm tak te pawh a ni nual mai a. Ke-a thui tak kal

ngaihna hmun te pawh a ni nawk a. Heng hmuna rawngbawl tur hian MIPA hi mamawhna a sang em em mai a ni. Field hrang hrangten thawktu mamawh belh an han sawi nak nak a, mipa ni thei se tih a ni fur mai thin. Chutih laiin a diltu tam zawk chu kan farnute an lo ni a, a diltu hrim hrim a tang hian mipa hi kan han thlem nghal pang a, lakah pawh hmeichhia an tam zawk deuh zel. Mipate hian rawngbawl tura hun puma inpek kawngah hian kan farnu te hi kan pha lo deuh niin a lang. Field lamah mipa mamawhna a sang thin si a, a ngaihtuah-tute rilru a buai thin viau a ni. Chuvangin, nang KṚP tlangval, hmeichhia aia i chakna, i finna, i huaisenna, i chhel zawkna tak mai kha

Lalpa rawngbawl nan i hmang tangkai dawn lawm ni? Nge, mahni in lum a tangin nuam tin chenin, khawvel hmasawanna leh changkanna lam thilah i lo inham hnawk vel mai dawn? Nge hmeichhe awm nem zawkten Lal kohna chu chhang lo thei lova an inhriat si avanga chak lo inti tak chung a an thawh chu i ring ve mai dawn? Mipaten kan ngaihtuah chian a ngai. Rawngbawl na kawngah hmeichhiate hi an thawh hlawk thei hle a; mahse, hmeichhia an nih avanga thil rengchang lo kawng hrang hrang awm theiah hian mipa te hian that bik riauna kan nei tih hre reng chungin missionary ni turin Kristian Thalai Pawl member, mipa ngei te hi i harh teh ang u♦



HIMNA KULHPUI Tum khat chu khawvel Indopui 2-na lai German-sipaihovin London khawpui an bomb ulh ulha, in leh lo tam tak an tihchhiat buaih buaih lai khan Pathian mi, mi pakhat hi a in leh lo chu hmelmahovin rawn tichhe ta thut se, tawmhimna tur hmun dang a neih leh neih loh an zawt a.

Ani chuan hlim taka nui hawh hawh chung hian, "Nei tehlul e le! Himna hmun tur pakhat ka nei. Chu chu Engkimtitheia thlazar hnuaiah a ni," tiin a chhang a.

Ṭhalai entawn tlak Epaphrodita

—Lalbiakenga Fanai
Chaltlang Branch

Kan Kohhran chanchina thil thleng pawimawh tak chu Kristian Ṭhalai Pawl din a ni hi a ni awm e. Tunah hian member pawh nuai kan lo chuang ta a, Pathian zarah kan pung chho zel dawn ni pawhin a lang. Member kan ṭhahnem a, del-dul deuhna chin pawh kan nei ang a, din a nih chhan te, kan thupui leh thil tum pawh sawi chhuak thei lo kan awm thei bawk ang. Chuvang chuan, Bible-in Kristian ṭhalai, Epaphrodita nun a tar lan aṭang hian tuna KṬP member-te hian zir tur kan neih apiang zir chhuah i'n tum dawn teh ang.

Epaphrodita nun aṭang hian zir tur kan ngah tehlul nen, a chanchin erawh chu Bible-ah a lang tam lo hle a, a lang chhun erawh chu in enfiagna tling a ni thung si.

Amah hi Philippi khua mi leh sa a ni. Philippi khua chu Makedonia ram khawpui pawimawh tak pakhat, Rom sipai pension-ho chen khawmna tura din a ni a. Philippi khuaa kohhran dintu tirhkoh Paula chuan a hun hnukung lam a hmang mek a, Rom sawrkar-in Rom khawpuiah sipai venna hnuaiah house arrest-in an tantir a. Rom sawrkar-in an chungthu a rel nghakin zalen angrengin takin a tantir a ni a. Philippi khuaa miten Paula tan thu an hriatin an lainat a, ṭanpui an duh a, Paula chhawmdawlina turin thilpek an la khawm a, an thilpek lak khawm chu Paula kutah pek tur a ni.

Philippi khua aṭanga Rom khawpui hi ni 70 (thla 2 chuang) vel kal ngai a ni a. Motor a awm lo va, courier a awm lo va, thlawhna a la awm lo va, rel a awm hek lo. Kalkawngah suamhmang tawh palh theih a ni cheu bawk. Kohhranho thilpek thawh khawm hi Paula kutah thlen tur a ni. Rom

khawpuiah chuan khual tha thlena thlen ngawt tur a ni dawn lo va, Rom sawrkar hnuaia tang mek rawng va bawlsaka chhawmdawl tur a ni bawk. Rom sawrkar hnuaia tang mek va tanpuitu nih chu thubuai khirh tak awrh ve theihna chance a lian em em a, mahni nunna thap a ngai dawn a ni. Philippi khuaa ringtu (kohhran) hi tlem te an la ni a, thalai phe chu an tlem lehzual ang tih a hriat theih. Thilpek petu (ringtute) an awm a, thilpek pawh a awm tawh; mahse, tuin nge thilpek chu kalpui ta ang? Tuipui leh khawmual thla hnih chuang kal ngai tur a ni a, a kawng awmzia lah an hre vek mai si. Rom khawpuia kal tul ti si; mahse kalkawng ngaihtuaha inhuam si lovin ringtu tlem tete chu an zing aanga Rom khawpuia kal thei tur dapin an inmelh ta.

Chutah chuan Kristian Thalai, Epaphrodita a lo pen chhuak ta.

A kalkawng thu leh a hmaa buaina awm thei chu

eng mah a hmuh hmaih bik hauh lo vang. Mahse, Pathian leh a kohhran leh a tirhkoh tan malsawmna ni turin mahni inphatin he Kristian thalai, Epaphrodita hi kohhran hnathawh tipuitling turin Rom khawpuia kal turin a inpe a, a lo pen chhuak a ni.

Rom khawpui chu him takin a thleng a, kohhranho thilpek pawh Paula hnenah him takin a thlen a, a taksa hah rintang vang pawh a ni ang, Rom khawpuiah hian thih ngamin a damlo va, thi chhawngin a awm hial a ni.

Epaphrodita hi Pathian, Philippi Kohhran leh Paula tan hian a hlu ngawt mai.

Eng nge kan zir chhuah tak ang le? KTP member-te hi Kohhran mamawh chhanna ni zel turin kan tan lehzual a tul ka hria. KTP-a active leh tui em em, kohhran thiltih leh chet velnaa lang lo (hna tul leh eng emaw bik chu thu dangah dah ila) KTP member kan pung ta tial tial em le? KTP

huang chhung chauhva tui, kohhran thleng phak si lo leh KṚP member-te hi kohhran hnathawh tipuitling tur kan nih hre lo, KṚP member list-a hming ziah luh vanga mawl taka KṚP ve tawp eng zat nge awm i le!

Kohhran-pui hian KṚP min mamawhna hi a sang khawp mai a, a voh lah min voh. Voh tlak kan ni zel dawn em tih erawh kan inenfiah zel a ngai. Kan mamawh loh na na na hi chu kan pet chhuah hun a thleng nge nge ṭhin. Kohhran hi KṚP tel lovin a kal thei lo hauh lo va; mahse KṚP hi kawng tam takah kohhran hnathawh tipuitlingtu, kohhran tha tichaktu leh thurawn petu a ni tawh ṭhin. He dinhmun hlu tak luah zel thei tur hian KṚP member-te hi Epaphrodita anga kohhranin min mamawh hun apiangah a chhanna ni thei zel tura ṭan kan lak a ṭul.

Sawi tawh angin khatih hun lai khan Philippi kohhranho thilpek hlu tak kha a thawn mai dan a vang

em em a, a hlawhtlin theihna chu ṭhalai tlawmngai Epaphrodita inpekna vang a ni. KṚP/ṭhalaite hi kohhran chet velna tihlawhtlingtu pawimawh tak kan ni a, kohhran chet velna tihhlawhtling turin KṚP/ṭhalaite hi kan pawimawh kumkhua dawn avangin Epaphrodita anga kohhran tana inpe ṭhalai tlawmngai chher chhuah zel hi thil ṭul tak a ni zel dawn a ni.

Tun dinhmunah chuan kan la ṭha rih a ni thei e. Amaherawhchu, he Pawl hruai tur hian thangthar zawk leh tunlai zawk an rawn chhuak zel dawn a, chung miten he pawl hi an hruai hunah tun dinhmun pawh hi kan phak zel ang em? Tuna hruaitute hian hma lam hun thlir ran chung a kan inhruai a pawimawh a, kan infuih fo a ṭul. Kohhran-puiin KṚP kutah aia Kohhran Hmeichhia leh Pavalai Pawl kutah mawhphurhna a hlan ngam zawk zel a nih chuan KṚP member kan inenfiah a ngai hle tihna a ni ang a, eng kawng nge kan

zawh tih chhut chian a hun
tihna a ni ang.

Tirhkoh Paula chuan
Epaphrodita hi a fak hle reng
a, tirhkoh nihna (title) ropui
tak a pe nghe nghe a ni.
Epaphrodita ang mi, mahni
inphata kohhran tana inpe,
kohhran mamawhna
chhanna ni ðhin ðhalai
tlawmngai te hi ngaihlu turin
min zirtir zui a ni. KṚP mem-
ber-te hian eng ang mi hi nge
kan ngaihhlut tih leh
ngaihhlut tlakin kan nung em

tih hi mahni kan infiahna tur
a ni. Sawi mâm thiam ringawt
leh sawi tlawr thiam, tha
thawh huna biru leh ðhin ai
chuan sawi thiam lem lo;
mahse, kohhran mamawhna
chhanna ni ðhin leh
chutiang ni tura mahni
inphat ngam member-te hi
ngaihhlut nachang kan hriat
thar a ðulin ka hria.

Epaphrodita anga
Kohhran mamawhna
chhanna ni ðhin KṚP member
nih zel i tum ang u ♦



SYNOD CHOIR RAWNGBAWLNA: A hnuai tar lan ang hian
Mizoram Synod Choir chuan kohhran hrang hrangah lawm thu sawina
leh Wales ram zin report inkhawm an hmang -

1. **RAMHLUN NORTH:** August 2, 2014 (zan) Vawi hnih dinah hla 5
an rem, report petu: Pu Samuel Laldingliana (Asst. Leader, CKṚP)
2. **CHANMARI:** August 3, 2014 (chawhnu) Vawi hnih dinah hla 4 an
rem, report petu: Pu R. Lalruatkima (Choir Director)
3. **DAWRPUI:** August 3, 2014 (zan) Vawi hnih dinah hla 6 an rem,
report petu: Pu Samuel Laldingliana (Asst. Leader, CKṚP)
4. **ARMED VENG:** August 9, 2014 (zan) Vawi hnih dinah hla 4 an rem,
report petu: Tv. Lalrinfela (Tekawka, Synod Choir)
5. **CHALTLANG:** August 10, 2014 (chawhnu) Vawi hnih dinah hla 5
an rem, report petu: Pu C. Lalchamlia (Choir Conductor).
6. **MISSION VENGTHLANG:** August 10, 2014 (zan) Vawi hnih dinah
hla 4 an rem, report petu: Pu Samuel Laldingliana (Asst. Leader, CKṚP)
7. **DURTLANG:** August 17, 2014 (chawhnu) Vawi hnih dinah hla 4 an
rem, report petu: Pu R. Lalruatkima (Choir Director)
8. **ELECTRIC VENG:** August 17, 2014 (zan). Vawi hnih dinah hla 6 an
rem, report petu: Pu Samuel Laldingliana (Asst. Leader, CKṚP)

ATHEISM

— C.V.L. Chhanhima
South Sabual Branch

Atheist-te tâna hun rapthlâk ber mai chu hringnunah hlimna leh lâwmna tak tak an tawon hun pawha lâwm thu sawina tûr pakhatmah an nei ve lo hi a ni.

— (Dante Gabriel Rossetti)

Reini Mizo, Kristian ramah ngei pawh Pathian awm ring lo an lo awm ve ta ÷euh mai. Chumi tichiangtu chu Facebook lamah Atheist Group-te hial hmuh tûr a lo awm ve tâk aţang hian a ni. Hêng ang chiho hi intih eng nge maw nân an hmang mai nge? Pathian awm an lo ring lo tak tak zâwk? Kristian-te Pathian nung awm tak takzia hi han târ lan ka châk tlat mai.

Atheist-ho chu eng nge an nih?

Wikipedia, the free encyclopedia-a a lan dân chuan, Atheist chu Pathian

rêng rêng; eng sakhua pawh awm ringlotute hi an ni. Isua emaw, kan Pathian ang ringlotu ringawtho hi Atheist an ni hauh lo. Hêng ang chiho hi chu Kristian sakhua leh Pathian awm ring lo an ni satliah ve ringawt mai. Hindu, Muslim, Sikh, Buddhist sakhua vuantute pawh hi Pathian chu engtin emaw taka awm a nih ring tlatu an nih vângin, Atheist-ah chhiar tel theih an ni lo. A nihna takah chuan Atheist-te hian ‘Satanic/Setanist’-ho ang tak ngial pawh hi an pha lo a ni. A chhan chu, anniho chuan Pathian anga pawmin an be tlat si a ni.

Scientist ropuiten Pathian awm an ring em?

Bible leh Science hi a kal kawp thei lo kan ti tak nâa, a dik chiah lo mai thei. A chhan chu Scientist-te ÷awngkam hman dân hian a tichiang tlat mai. Charles Darwin, Evolutionist ropui, mihringte hi zâwngte nêh thlahu bul thuhmun kan ni titu khân, “Sakhuana (Reli-

gion) hi tâwi fel takin sawi rawh min ti mah se, thui tak ziak tûr ka neiin, ka la sawi kim sêng chuang lo vang. He Universe ropui leh mak tak hi, tihpalh thil thu chauha awm ringawt a ni in tih chuan inhnial tham tak a nih ka ring. Mahse, chu inhnialna chuan hlutna a nei em tih chu keia ngaihtuah phâk a ni lo ve,” a lo ti a. Siamtu awm a rinzia a tichiang hle.

American Physics thiam chhuanvâwr, Nobel Prize hial pawh lo dawng tawhtu, Richard Fernman chuan, “Pathian hi thil mak chhui sên loh te chhui tûrin a awm a, kan hriat fiah phâk loh thilte tifiyah tûrin a awm a ni,” a ti. British Physicist, Chemist leh Mathematician Nobel Prize pawh lo la tawh chuan, “Sakhuana aţang hian mihring awm chhan a lang a, Science aţang chuan a awm chhan hlawhtlintîr tûra chakna leh theihna a neihte a lang bawk a ni,” a ti. Sir Isaac Newton-a pawh khân, “Ni leh thla leh arsité an awm dân tûr

dik tak, mawi tak maia an awm hian Siamtu thiltithe tak a awm ngei a ni tih an tilang Chiang a ni,” a lo ti ve bawk.

Pathian hi a awm lo tak tak ang maw?

Kristian sakhua awm hmâ daih, mihringte lungpûk vêla an lo khawsak mai mai, (Stone Age) an tih hun lai daih tawh aţang khân, hmuh theih loh ‘Siamtu’ eng nge maw tak, khawi hmuna pawh awm, anmahni aia chungnung leh thiltithe zâwk, an awm dân hmuhsak vek leh engkim chungathuneitu a awm an ringin, an thiam leh hriat dân ang angin biak lungawi an lo tum tawh thîn a. Hei hi sakhua lo chhuahna chhan pawh a ni. Keini Mizote ngei pawh History kan en chuan, Kristiana a rawn luh hma kha chuan, Pu Vâna/Khuanu tih te an lo be thîn a nih kha. Hringfate hnam a hrana, chênna hmun leh khawsak phung a danglam angin, kan sakhua leh Pathian chungchâng pawh a inang lo mai chauh a ni.

Mita kan hmuh leh bengal kan hriat zawng zawngte hi tu siam nge ni ta ang le?

Pathian hi awm lovin engkim mai hi a tha tûr ang bera a ruahmanna hnuaiah awm ni ta sela, engtin nge thilsiamte hi kan khawsak ho tâk ang le? Kan awmna lei te, ni leh thla leh arsi te hi insu buai hauh lova, kawng bik nei theuhva an kal hi tihpalh thil thu mai a ni thei ang em? Ni khi tûna a awmna hmun aţanga hla leh hnâiah awm ta thut sela, engtin nge kan awm tâk ang? Kan thatna tûr tâwk chiah ang zêla rem fela ruahmantu, Atheist-ho ten a awm an rin ve loh Kristian-te Pathian nung vâng liau liau a ni zâwk si a.

Thu khâr nâna ka hman duh chu; he khâwvêlah hian beisei chhan tam tak kan nei a. Sakhuana ni satliah ngawt lo, vânrâm thleng phâk nunna leh rinna, awm lo ata min

dintu leh tûna he thuziak chhiar mek theia i ngaih-tuahna thluak leh thisen zâm têtak têtê tam lutuk mai awmze nei veka hnathawh-tîrtu Pathian i neih kiau lai hian, inlâk danglam nân emaw, intihchangkangna emaw ti a, “Kei chu Atheist ka ni a, Pathian awm ka ring ve lo,” lo tih vêl hi a ropuina sawi tûr a awm lo va, khawvêla mi vânduai ber nihna a ni zâwk. Pathian a awm chianzia chu i thih hunah i la hre dâwn alawm, tia chhanna pêk mai te pawh ka châk hial thîn. Mahse, keimah ang bawka Lalpa hmangaihte ve tho an ni si a.

“I vâ, kutchhuak te, thla leh arsi i ruathote khi, ka ngaihtuah châng chuan, Mihring hi eng nge maw a niha, i hriat reng thîn ni? Mihring fapa pawh hi eng nge maw a niha, i kan thîn ni? ka ti thîn” (Sam 8:3-4).



■ *Pathian hian kan hlimna hmangin zawi têin min hrilhru a, harsatna hmangin hriat nuam tawka ringin min bia a; kan natna hmang erawh chuan ring takin thu min hrilh thîn.*

— C.S. Lewis

Sawi sawi mah se, ka ṭawngṭai zel ang - Kaylor Nevas

—Hmingsanga
Chhinga Veng

World Cup 2014 khelh hma khan Group D-a team awm Uruguay, Costa Rica, England, Italy zingah khan Costa Rica khan quarter final an thlen ring kan tlem ngawt ang. Mak tak maiin he group-a awm te hi Costa Rica tih loh chu football thiam ram tia kan hriat lar vek an nih bakah, World Cup a champion lo ni tawh vek an ni. An inkhelh hma khan Costa Rica chu point box ni tura rin an ni. An han inkhel a, rin loh leh beisei loh ber Costa Rica chu football-a ram ropui nia kan hriatte chungah awmin, an group-ah point hmu sang ber an ni a, chu chauh a ni lo, round of 16 paltlangin, quarter final-ah Holland in tie breaker hmangin an hneh hram a nih kha. Costa Rica chet ṭhatna chhan leh player

pawimawh ber tia chhal ngam chu an goalkeeper Kaylor Nevas kha a ni awm e.

Ni 15 December 1986-a piang, feet 6 a sang, a hming pum Keylor Antonio Navas Gamboa hian an ram club Deportivo Saprissa tan ni 6 November 2005 khan goal a veng ṭan a. He club a khelh chhung hian Costa Rica league-ah vawi 7 zet a khelhna club hi a champion-pui a. Kum 2010 khan Spanish second division club Albacete Balompié a zawm ṭan a. A khelhna club hi an che ṭha lo hle a, season a tawp meuh chuan league table-ah a mawngphah niin division hniam zawkah an tla thla ta hial a. 2011-12 season khan vanneihthlak takin La Liga club Levante UD chuan kum khat chung loan-in an hawh chhuak a, a vanneih a kaltluang a, a khelhna club chuan a wavi khatna atan Europe a inelna sang UEFA Europa League an khel phak ve ta hial a. Season hnih chhung erawh first choice keeper a ni phak lo thung.

An ram aiawhin 2003 FIFA U-17 World Championship-ah khel ve a. Chumi hnu kum thumnaah senior team-a khel turin kum 2006 khan koh luh a ni ve leh ta a. Kum 2009 CONCACAF Gold Cup-ah erawh chuan Costa Rica goalkeeper pawimawh ni tawhin, an ram chu semi final a thlenpui ve ta hial a, CONCACAF Gold Cup-ah hian Best Goalkeeper-ah thlan a ni zui ta nghe nghe.

World Cup 2014-ah a che tha lehzual a. Group stage-ah goal khat chiah a chhuah a, goal ngei tura ngaih wavi tam tak a dang a. Round of 16-ah ropui takin an che chhunzawm a, penalty a dang baw k a. Amah avangin Costa Rica chuan a vawi khatna atan World Cup-ah quater final an thleng ve ta hial a. World Cup 2014 a khelh ve chhungin vavi 3 ngawt Man of the match-ah thlan a ni a. Goalkeeper zinga Man of the match-a thlan ngun ber a ni ta hial a.

Nevas chuan "Pathian hnenah min tanpui turin ka

ṭawngṭai ṭhin a. Khelmual chung pawh Pathian ropuia chu tar lanna hmun a nih theihna turin ka dil fo ṭhin," a ti. Galatia 1:10 chu a Bible chang duh ber a ni a. Eng vanga chu lai chang chu duh ber nge a ni tih an zawh chuan Nevas chuan "Mi ṭhenkhat chuan inkhelh dawna khelmual sira, ṭhingṭhi chung a Pathian hnena ka ṭawngṭai ṭhin hi, lo helh taw k an awm ve leh zauh ṭhin a, min sawiseln a ngai pawimawh aiin Pathianin khelmual chhung leh pawna min enkawl dan hi a ropui a, malsawmna tam takin min vur baw k a, chung chu theihngihl phal chi rual a ni lo a, ṭawngṭai zel hi ka duh zaw k a ni" a ti.

Kum 27 a upa Nevas chuan tun dinhmun ka thlen theihna chhan chu rim taka ka thawh te Pathianin mal a sawm a. Pathianin inkhel thei turin hriseln a tha nen min thuan a, inah nuam sa taka ṭhuin, thil tha zawng zawng lo thleng se tia nghak veng veng tur ka ni lo va, rim takin malsawm tlak ni turin ka thaw k tur a ni

tih hi ka thupui a ni a ti. World Cup 2014-ah goalkeeper tha ber lawmman Golden Glove Award dawng thei tur zingah a hming chhawp a ni ve a, mahse champion team Germany keeper Manuel Neuer hnenah hlan a ni ta zawk a.

Chhanhai leh riangaite chhawmdawlna kawngah Nevas hi nasa takin a inhmang a. A kaihhraina hnuaiyah pawl pakhat 'Vida Nova' chu hmang tangkaiin, football hmang rawngbawl hna pawh a thawk nasa a, 'Evangelical FC' tia hming vuahin a hun awl remchangah rawng an bawl thin bawk.

World Cup a chet that em avangin an ram lamah pawh

lawm leh chawimawi a hlawh zui hle a. Nevas a pianna khua San Isidro-a stadium Perez Zeledon, chu a hming thlakin Nevas hmingchawiin 'Estadio Municipal Keylor Navas Gamboa' tiin thlak a ni. A hming an thlak chhan hi thalaite tana entawn tlak a nih vang niin an sawi. Chu mai a la ni lo, San Isidro city council chuan "favorite son"-ah an puang zui bawk. World Cup 2014-a hming chher thar ta em em Keylor Navas hi Spanish club ropui Real Madrid chuan Bayern Munich aia ngam huai zawkin \$10 million-in an lei chhuak ta bawk a ni ♦



LUNGHLU AIA HLU ZAWK Tum khat chu mi fing pakhat hian tlang sanga a zinna lamah lunghlu hi a chhar hlauh mai a. A tukah chuan khualzin dang, riltam zet mai hi a tazok a, ei leh in tur a neih ang ang chu hluiin an ei dun a. Mikhual chuan mi fing iptea lunghlu a hmuh chuan a dil ta a; ani mi fing lah chuan i-hê hauh lovin a lo pe mai a. Ni rei lo teah lunghlu neitu chu a lunghlu kengin a lo kir leh a, a lunghlu chu mi fing hnenah a pe leh ta a. Mi fing chuan thil awmzia a lo zawot thuai a.

Ani chuan, "He lunghlu hi a hlu tih zawng ka hre ngei mai. Mahse he lunghlu aia hlu zawok, lunghlu min pek phalna thinlung zawok kha min pe la ka duh a ni," tiin mi fing chu a chhang ta a.

SUNNA



NI. Lalliankimi (1994-2014)
Committee Member
Baktawng Venglai Branch

NI. Lalliankimi hi Pu C. Lalthanliana leh Pi Lalmuankimi te fa niin August 16, 1994 khan Baktawngah a piang a, laizawn pali zinga a naupang ber dawttu a ni. A tet te aţang renga mi hlim thei, kawm nuam leh fel tak a ni a. Nuam lo chung chung pawha Sunday School ngai pawimawh mi a nih avangin kai kim lawmman pawh a lo la fo thin reng a ni.

Rawngbawlna lam:

KṚP member a nih aţangin a phak tawk leh a theihtaupin a inhmang nghal a, hruaitute zai ngai thiam leh

upa zawkte thu hnial ngai lo a nihna hian hruaitute pawh a tilawm em em thin. Group hruaituah te aţang chhovin sub-committee hrang hrangah pawh chanvo a chelh apiangte tlanche mai lova tipuitling thin mi a ni a. A hun tawp thleng hian Branch Committee member duhawm tak a ni. Zai lamah a tui em em a, hla zir reng reng hi a dam phawt chuan a thulh ngai lo. Tunah pawh Baktawng Pastor Bial Zaipawla member ni lai a ni. July 14, 2014 (Thawhlelni) zan inkhawm a hruai chu a inkhawm hruai hnuhnun ber a ni ta a ni.

A hun hnuhnung:

July 19, 2014 (Inrinni) khan NH 54 kawng ba samin Branch KṚP hnatlang neih a ni a, chumi haw lam chuan vanduaithlak taka motor aţanga tlain a lu a sawh a. A beng aţanga thi a chhuah nasat avangin rang takin Thingsulthliah Damdawi in panpui nghal a ni a, doctor-ten hmunpui lama kalpui leh zawk tura an lo tih angin

Aizawlah tlanpui leh nghal a ni a. Civil Hospital-ah enkawl zuiin doctor-ten a dam leh nan theihtawp an lo chhuah a. Dam taka a lo chhuaha, hlim taka rawngbawl ho leh tura kan inngaih laiin July 24, 2014 (Ningani) zan dar 8:21 khan a hliam chu tuar chhuak zo lovin chatuan ram min lo pansan ta a ni. Hemi zan la la hian a ruang hi Baktawng thlenpui nghal a ni a. A tuk July 25, 2014 (Zirtawpni)-ah bialtu pastor, Pastor Lalrinsanga'n a vui a, chatuan hmuna intawh leh ngei beisei tak chungin kan thlah liam ta a ni.

Lawm thu sawina:

Kan member NI. Lalliankimi chetsual atanga a hun tawp thlenga min tuarpui em emtu hmun hrang hranga

kan rawngbawlpuite, damdawi in a awm chhunga kantu Central KṚP-a kan hruaitute leh a ruang puana tuamtu leh pangpar mawi tak taka thlahtu leh ralna thilpek hlu tak tak petu - Central KṚP, Tlungvel Bial KṚP leh Branch hrang hrang - ITI, Republic, Venghnuai, College veng, Bethlehem, Ramhlun Vengchhak, Tlungvel Venghlun, Tlungvel Vengthar, Tlungvel Gate Veng, Tlungvel Field Veng leh Baktawng bial chhung Branch hrang hrangte chungah lawm thu kan sawi tak meuh meuh a, he in thil tih hlu tak avang hian in rawngbawlinaah Lalpan a let tam takin malsawmnain vur che u sela, thalaiten rawng kan bawl zelna turah inpumkhatna tha min siamtu ni mawlh rawh se♦



*A*merica President James Garfield khan vawi khat chu thil dik tawk lova sum tam tak lak luh theihna tur remchang hi a hmu a, a kianga mi lah chuan, "I tan hun tha a ni, tu man an hre chhuak dawon hauh lo a nia," tiin a lo hrilhru sar sar bawk a.

Ani chuan, "President Garfield-a'n a hre dawon si a, ka mutpui reng tur a ni lehngal," tiin sum tam tak chu a hnar ta a ni.



HRINGLANG TLÁNG

Rock Club

Pawl 2 ka zir laiin thil pakhat, ka rilru chawok tho tak mai ka tawng a. Zan khat chu chanchin thar an puanah thlasik khaw vawt hnuaia in leh lo nei loho, in lian tak chhuatah eng mah sin lova an mu tlar dul hi an rawn tilang a. Thlasik khaw vawt hnuaiah vawt an tih dan tur ka suangtuah a, ka thinlungah chuan anmahni khawngaihna ka nei nasa ta kharwp mai a. Chûng mite chu ñanpui duhna lian tak ka nei ta a.

Chûngho ñanpui hna thawok tur chuan Pâwl din ñhain ka hre ta ber a, a tum ber pawh mi vakvaihho ñanpuina tur sum thawh chhuah chu a ni. Ka ñhianten ñang tlangin Pâwl chu ka han din ve ñhuai a, a hmingah The Rock Club kan vuah a, a mawi pawh kan ti ngang mai. Club kan din tirh chuan member 5 chauh kan ni a, rang takin mi 20-ah kan kai chho thuai mai. A duh apiangin kan Club chu zawm theih a nih thu kan tlangaupui reng barok a; a pun lah kan pung chak hle barok a.

Kan hun avolah lung kan la khawm a. Lung chu ramsa lem, pangpar lem leh thil chi hrang hrang, infiamna hming thlenga ziakin kan chei mawi a. Kan thil duh ang apiang ziakin, mahni thiam dan danin kan chei a ni ber.

Kan Club member chuan kan lung chei mawi chu kan school-ah kengin, kan zirtirtute chu kan lung chei mawi chu lehkhah delh nan min leisak turin kan ngen a. Lung chei mawi pakhat chu cent 5, cent 10 leh cent 20-tein kan zuar a, kan thiam leh theih ang angin kan bei ve ñauh ñauh reng a; Krismas a thlen meuh chuan dollar 33 lai kan hlawh hman der mai. Kan sum thawh chhuah chu mi vakvaihho tan riahbuk siamsaktu hnenah a bo a bang awm lova pek turin kan rel a.

Ka nu chuan mi pakhat hi kan Club member-ho chu vakvaihho riah khawmna hmuna min hrui turin a sawm a. An riah khawmna hmuna kan va thlen chuan chûng mi vakvaihho chu kawngpui kam, vurin a khuh luk chungah chuan ni lum aiin an lo ñhu khawm ñaih a, an riah khawmna hmuna kan pan lai chuan an zing naupang awm vete chu ka hmu a, aw...ka va khawngaih tak!

A chhungah kan han lut a, khualchhawwn hmeichhe pakhat hi a lo ̄thu a, a kutah chuan kan pawisa thawh chhuah chu kan hlan ta a; a hmel atang chuan a lawm tak zet niin kan hria. Mi pakhat hian chu in chhungah chuan min hruai lut a, min fan kualpui a. Pindan chhungah chuan chaw ei dawhkan atan thing hi a lo indawh tlar put a, a bulah chuan chumi thlawp chuan ̄hutna tur tawkin ̄hutthleng atan thingphel an lo dawh zui bawk a. Choka lamah chuan ei leh in tur buaipui tawok mi ̄hahnem tak an lo awm bawk a; kan thil hmuh chuan kan rilru a khatwi tlang ngang mai.

Chu hmun kan chhuahsan hnu chuan putar pakhat, kawngpui vur tlakna hmuna lo ̄thu hi kan hmu leh a. Chu putar chuan kawrchung hring, d̄a leh bal tak hi a ha a; a kekawr pawh a hluiin, a bal em em tih a hriat bawk a. A bula Krismas tree chu a theih ang angin a lo chei mawi ve bawk a, chei mawina tur hmanrua erawh a tlachham tih a lang reng mai. Eng ang pawhin Krismas tree chu han chei mawi mah se kawtthler khaw vawt hnuai bak dahna tur a nei dawn lo tih a chiang sa reng mai bawk. Mi vakvai, in leh lo nei lo leh eng thilpek mah dawng lo tur pawhin Krismas chu an hlut tho va, an tana Krismas hlutna lah a ngai reng a ni tih min hriat chhuahtir a.

A tukleh zing chanchinbu chhuakah chuan nimina kawngpui putar kan hmuh thlalak kha an rawn tilang kuau mai a. Mite thinlungah chu putar khawngaihthlak thlalak hmang chuan in leh lo nei loten ̄tanpui an mamawhzia chu a thar ka beisei tlat a. ̄Tanpui leh ngaihsak hi Krismas hun laiah chauh ni lovin, kum tluanin an mamawh tih mi tinin hriat phah thei se kan ti em em a.

Ni rei lo te hnuah tualchhung chanchinbu reporter leh thla la mi pakhat hi kan school-ah an lo kal a, The Rock Club member-te chu kan thla an rawn la a. A tuklehah The Rock Club member-te thlalak chu chanchinbuah an tihchhuah bakah kan Club chanchin leh thiltih chu an tar lang bawk a.

Kan thiltih ve chu chapopui tham zawng ni hauh lo mah se, kan thiltih tak awang chuan kan Club member-ho chu kan inchhir lo tlang kher mai a. Kan thiltih chu heng miten ̄tanpui an mamawhzia mite hnena hrilh hriatna kawngah a s̄ulsutu ni se kan duh tlang em em bawk a.

Kan school hotute pawh chuan The Rock Club thiltih chu an chawimawiin, an hlut thiam hle a. Kan Club thiltih chhet̄e chu kan school-a zirlai naupang chona leh tihphurna hmanrua atan thiam takin an hman awangin tunah chuan kan school-a zirlai naupangte chuan mi vakvai leh ̄tanpui ngai apiang hnenah an theih ang tawok tawkin ̄tanpuina an pe ta ̄thin a ni.

Mi dang ̄tanpuina tura The Rock Club bul ̄tan dan leh hnathawh hi a ropui lua lo mai thei; mahse tute emaw nunah chuan danglamna a thlen ve tlat si a ni. Mi dangte nuna danglamna thlen tur hian eng thil mak danglam bik mah i mamawh lo ve ♦

— Vanessa Clayton (14)

RIMAWI ■■■

Music Bible-ah

—Upa Lalrinmuana
Upper Republic

Ran thurin bu Bible-ah Music hian hmun pawimawh tak a luah a. Tlem han tar lang ila.

Hebrai (Israel)-ho chanchin kan en chuan, an hnam nunah thil pawimawh leh hun pawimawhah music a lang tel zel tiin a sawi theih ang. Juda-te chanchin ziaktu hmingthang tak, Josephus-a chuan 'Hla, Hla satu, a puibawmtu (instruments) leh zai tih angte hi vawi 575 Bible-ah hian a lang a ni,' a ti. Tin, 'Solomona Biak In sak hmasak berah khan tawtawrawt nuaihni h leh zaipawl kawr nuaihni h a awm,' a ti bawk. (Kenneth W. Osbeck, The Ministry of Music p. 18).

Bible-ah Music lam sawina hmasa ber chu Gen 4:21-ah, "A nau hming chu

Jubala a ni a, ani chu tingtang leh phênglâwng tumtu zawng zawng thlahtu a ni," tih kan hmu a. Adama ațanga chhûtin chhuan riatna a ni. Gen 31:27-ah Labana'n Jakoba Gilead tlangah a um phak tuma a sawi chu "Eng vangin nge a ruka i tlan bova, mi kal ruksan a, hlimna te nen, hla te nen, khuangtê te nen, tingtangte nen ka thlahna tur chein mi hrih loh va," a ti a. Hei hi Bible-a khuang lo lanna hmasa ber a ni awm e.

Israel fate Aigupta-ah kum zali chuang lai bawihah an tang a, chuta țanga an chhuaha tuipui sen an kanin an hruaitu pa Mosia hovin hla an sak thu kan hmu a. Ex 15:1-18, chutichuan, Mosia leh Israela thlahte chuan LALPA chawimawiin he hla hi an sa a, an sawi dual dual a...

"LALPA chawimawiin hla ka sa ang, ropui takin a hneh tak hi, Sakawr leh a chung a chuang chu tuipuiah a paihthla ta a,"... tiin.

Ex 19-ah Miriami hovin hmeichhia zawng zawng

khuangte nen an lam nasat thu kan hmu bawk. 1 Chronicles 6:31-32-ah Temple zaipawl a awm thu hetiangin kan hmu a, "Chungte chu a ni bawm dah hnua LALPA ina hla hruaitu atana Davidan a ruatte chu; tichuan, Solomona'n Jerusalema Lalsa in a sak hma loh chu inbiakna puan inah chuan hlain rawng an bawl thîn a; a pawl pawlin rawngbawl hna an inchhawk kual thîn a," tiin.

1 Chronicles 23:2-ah Levia-ho hnathawh tur chanvo an insem khan 4000-te chu "Fakna tura thil tum rik chi ka siam," Davida'n a tihte chu hmanga LALPA faktu turte an nih thu te, 25:1-7-ah Temple Zaipawl Musical Instrument chi hrang hrang hmanga faktute chu mi 288 an nih thu kan hmu bawk.

2 Chronicles 5:11-14-a Solomona'n Temple a sak zawha Thuthlung bawm an lakluh tum khan Levia-ho hla satu zawng zawng an hmanraw famkim leh

puithiam 120 tawtawrawt hâmtute nen, "Ani chu a tha si a, a ngilneihna chu kumkhuain a awm dawn a ni," tia LALPA an han fak meuh chuan LALPA In chu chhumin a khat ta mup mai a ni. Tin, 7:1-6 Temple hlanah pawh chanvo pawimawh tak changtute an ni. Nehemia'n kulh chhia a din thar leh a, a hlan tum pawh khan hla satute chu hmun hrang hrang atangin an kal khawm a ni tih Nehemia 12:27-28-ah kan hmu.

Kan Bible-ah hian hla a lang tam viau mai. Bible lai takah Sâm (Fakna hla) a awm a. Chutiangin hmun tam takah kan hmu a ni. Thuthlung Thar hunah pawh kan Lal Isua pian zanin Van Zaipawlin "Chungnungberah Pathian ropui takin awm rawh se, Lei chung a lawm em em mihringte hnenah rem thu leng rawh se"tiin an rawn thlah liam ngat a nih kha (Lk 2:14). Lal Isuan a hun tawp dawnah a zirtirte zanriah hnukung a kilpui pawh khan hla an sa a, an sak

zawhah Olive tlangah chuan an kal ta a ni tih kan hria (Mt 26:30). Tirhkohte Thiltih 16:25–34-ah Tirhkoh Paula leh Sila lung ina an tan tuma an hla sak kha, hla sak avanga thil thleng zawng zawngah chuan a la ropui ber awm e. Mitangte'n an ngaithla a, lir nasa takin a nging a, tan in lungphumte lamin a nging a, kawngkhar zawng zawng a inhawng nghal vek a, mi tin kawlbunte a inphelh ta vek a. Chu aia ropui leh pawimawh zawk Thlarau chhandamna tang vengtute chhungkuaah a thleng ta a, a zan la lain Baptisma an chang nghal. Kristian chhungkua a lo din phah ta reng mai a nih chu.

Thupuan 4:8-ah chuan van miten chhun leh zan

châwl lova "A thianghlim e, a thianghlim e" tih an sak thu kan hmu a. KHB No. 146-na hlaah pawh hetiangin kan sak thin kha –

*'A hmangaih tunah kan tem
chauh va,
Ama hmingin, lawmin kan
khat a;
Van thlen hunin eng nge awm
leh ang,
Beramno Thianghlim kan
zaiptui ang.'*

a la ti fan mai a nih hi. Music/Fakna hla hian chawlh leh reh tak tak hun a nei dawn lo a ni mai thei. Chuvangin, dam chhung rei lo têah, hla saa, Pathian chawimawia fak hi kan ning a nih ngat chuan Chatuana zaina hmunah awm nuam kan ti lo mai thei asin!



JUBILEE T-Shirt

KTPDiamond Jubilee hriat rengna T-Shirts kha hralh bang eng emaw zat a la awm a. Tunah hian T-Shirt Rs. 280 man kha a zuar chhawng duh Branch-te hnenah pakhat Rs. 200 hisap zelin Synod Bookroom-in a pe thei dawn a. Mahni Bial/Branch-ah a tihral dan kan lo dap theih theuh chuan a lawmawm hle ang.

— General Secretary, Central KTP

HRISELNA ■■■

MOTOR RUIH (Motion Sickness)

—Upa K. Rorelkima
Committee Member, CKTP

Motor ruih hi thil hrehawm tak a ni a. Luak, luak chhuak, luhai, thlan tlakna, a nasat phei chuan ni 2/3 chauhna te pawh a thlen thei a ni.

Motor ruih chhan chu tam tak awm mah se, motor che rengina kan beng chung ber a taksa peng pakhat Labyrinth-a buaina a siam vang a ni tlangpui. Kan thluak hian kawng hrang hrang aţangin hriatna a nei a, beng chung ber (inner ear) aţang te, kan mitin a hmuh aţang te leh kan taksa chungril (tihrawl, thahrui) aţangtein kan awm dan pangngaia kan awm hian kan thluakin hriattirna mumal tak a dawng ţhin a, amaherawhchu motor-a kan chuan changte hi chuan kan thluak hian hriattirna inang lo tak tak a dawng ta ţhin ni.

Entir nan - Taksa chuan che

anga a inhriat laiin mit erawh chuan che lo angin a hriattir ve thung a. Hei hian thluakah buaina a thlen a, kan lo ruih phah ta ţhin a ni. Motor ruih hi hrehawm deuh mah se, thil hlauhawm tak a ni lem lo. A hunlai chuan hrehawm deuh mahse chia i vakna tham a ni lo. Khualzin mi tam takte phei chuan motor ruih te chu ngai a te an nei a.

A tlangpuiin luak chhuak leh luak te hi a thlentu thil che a kha a din hunah a reh ve mai ţhin a ni. Mahse, hei hi mi zawng zawngah a dik vek kher lo. Mi ţhenkhatah chuan ni hnih ni thum te pawh a aw h ve thei tho a ni.

Motor emaw, lawng emaw, thlawhna pawh ni rawh se, i lo rui ve ţhin a nih chuan a hnuaia ziate hi ngun takin chhiar rawh le -

A tlangpuiin antihistamine damdawi te hi hman ţhin a ni a. Heng damdawi te hi luak chhuak leh luak tur ven nan leh tihnep nan tea hman ţhin a ni. Chungte chu Avomine, dramamine, etc. tih ten a awm a. Heng bakah hian Belladonna leh anticholinergic drug (Scopolamine skin

patch) te chu a bela bel chi a siam an ni a, heng bel chi erawh hi chu beng hnung lamah zin chhuah hma darkar li vela lo bel lawk tur a ni. An hmang uar lem lo. Doxylamine succinate (nau pai lai luak chhuak damdawi) te pawh hi tun ang laiah chuan an hmang uar tawh hle.


Motor rui (motion sickness) tam zawk te hi chu mahnia inenkawl theih a ni. I motor ruih chu a lo nasat deuh emaw zual lam a pan a nih erawh chuan mi thiamrawn vat a tha. A nasat lem loh chuan damdawi kan sawi takte hmangin mahni pawha inenkawl theih a ni.

Motor ruih inven nan leh min chhawk zangkhaitu atan eng nge tha ang le?

- I zin reng rengin i mitin pawn lama thil che a hmuh theihna turah thu thin ang che. Tichuan, i thluak chuan hriattirna (information) mumal tak a dawng thei dawn a ni.
- Thlawhnaa i chuan chuan a tukverh atangin tlang te thlir thin ang che. A thla chung zawna thut hi a fuh

khawp mai, a chhan chu hmun dang aia a chet nasat loh vang a ni.

- I rui thin a nih chuan i motor chuan laiin lehkha chhiar suh ang che. Hnung lam hawi thutna ah thu suh ang che.
- I zinpuite an ruih chuan an luak lai emaw, an rui lai hmel te en kher suh.
- I zin chhuah hma emaw, i zin kawngah emaw thil rimna lutuk emaw, thak lutuk emaw, mawm lutuk emaw ang chi chu ei lo hram ang che.
- Sawhthing ei pawh hi a tha a, mahse eng ang taka tha nge a nih erawh hriat a ni lo.
- I zin chhuah hmain ruih lohna damdawi ei theihnghilh suh.
- Boruak thianghlim luh nan tukverh hawng thin ang che.
- Pum tha lo (Ulcer) nei sa tan motor ruih a awl em a vangin, pum damdawi Pantop D, Rablet D, etc. te hi kaw ruah lai emaw, zin hma zan mut dawn a ei emaw a tha hle bawkw.



KANTU

Kolasib Hmar Veng Branch

Kolasib Hmar Veng Branch KṚP hi kum 1950 bawr vel aṭanga an Kohhrana Ṭhalai Pawl tia lo ding ṭan, kum 1953-a Mualvum Pastor Bial Kohhnan Ṭhalai Pawl inkhawmpui hmasa ber dawttu pawh lo thleng tawh, mahse an din ni leh thla chiah hriat a nih tawh loh avanga CKṚP-a an inziah luh nia an hriat August ni 1, 1956 an Branch din ṭan nia pawmtu Kolasib Hmar Veng Bial KṚP zinga Branch upa ber Kolasib Hmar Veng Branch KṚP te hi kum 2014-ah hian member 331 (mipa 220 leh hmeichhia 111) an awm meka, Branch Committee-ah hian member 25 (OB 6, Committee member 16, Kohhnan Committee aiawh 2 leh Bialtu Pastor 1) an awm a, thla tin Ningani zan vawi hnihna apiangin Branch Committee an ṭhu ṭhin a. Kum tin KṚP Day leh an Branch Rising Day hi an hmang ziah ṭhin a, heng hunah hian zingkarah KṚP Flag pawt

pharin hun serh an hmang ṭhin a, hun serh hman zawh hnu hian social work hnatlang an nei ṭhin a ni.

Branch tichaktu atan Branch KṚP hnuaiah Sub-Committee pariat siam a ni a, chungte chu - Programme Committee, Editorial Board, Evangelism Committee, Property Committee, Literature Committee, Reception & Ushers Committee, Games & Sports Committee leh Refreshment Committee te an ni. Heng Committee te hian anmahni hmazawnah ṭheuh Branch tichak turin theihtawpin hma an la ṭhin a ni.

KṚP member-te hi Chanchin Ṭha bu palite hming chawiin Group 4-ah inṭhenin khuavang ri kham sa hmangin an inṭhen a, hei hi Branch Committee-in a tihdanglam hma chu Group nghet anga siam a ni a, Groupe hi inkaihhraina dan fel tak siamin kaihhruai an ni a, kuminah Group budget

Rs. 14000 (kum chanve atan 7000 ve ve) siam a ni a, Group inelna atan - KṮP inkhawm leh Pathianni tlai ṭawngṭai inkhawm kal tam, budget tlak hma, Branch hnatlang kal tam, KṮP Special programme-a kal tam, Nilai zan leh Inrinni zan Kohhran inkhawma inkhawm tamah te hman a ni.

Thawhṭan zan hi Sermon inkhawm leh Central KṮP-in Thupui zir tura a ruahmante zirna hun atan hman a ni ṭhin a, Pathianni tlaiah ṭawngṭai inkhawm hman a ni ṭhin baw. Thla tin Thawhṭan zan inkhawm hmasa berah member hlate puala ṭawngṭai rualna hun hman a ni ṭhin. Biak In hawnga an member innei an awmin lawmpui nan Holy Bible an pe a, member boral an awmin ralna atan an pe baw ṭhin.

Kum 2014 chhung hian Synod Mission Board hnuaiiah Kohhran kaltlangin missionary 7 an chawm mek a, tunah hian an member missionary chhuak mek 4 (SMB-ah 3 leh Kohhran mal enkawl 1) an awm baw.

Kristian Ṭhalai hi copy 87 an la mek a, an branch pualin chanchinbu kum 1988 August ni 21 aṭang khan Pathianni tuk

apiangin 'Ṭhalai Aw' tih chu an chhuah a, tunah hian copy 250 an tichhuak mek a ni. Kum 2014-ah hian Branch Project 7 neiin project atan hian sum Rs. 213000 an ruahman a, project hi 4 an tihlawhtling tawh a ni. Branch-in sum an hmuhna te chu Rinna Thutiam te, Group budget te, Thawhṭan zan inkhawm thawhlawm te leh Slab chhun te, lei laih te, thiam thil theh khawm lilam te leh huan sam te a ni a. Tin, KṮP property Sound system leh stage structure man chawia hawhtirin sum an tuak ṭhin baw.

Kumin kum 2014 chhovah hian KṮP Evangelism Night te hmangin leh KṮP Literature Night te hmangin Bible ralchhan te an buatsaih a, Group hrang hrang te Beat Group contest neiin intihsiaik an buatsaih baw a, music lamah hma an sawn phah hle a ni. Group inel nan Nilai zan leh Inrinni zan inkhawm tam an hman ṭhin avangin KṮP member-te hi Kohhran inkhawm timawitu ber pakhat an ni reng fo ṭhin a ni.

Tin, Central KṮP leh Bial KṮP aṭanga tih tur an tuk te ṭha takin an ti ve thei zel a ni ♦

Keimahni



- August 4 -6, 2014 khan Kawrtethawveng Branch KṚP Diamond Jubilee lawmna hmanpuiin Dr. Lalliansanga (Asst. Secy) leh Pu V. Lalrinmawia (Com. member) te an kal a, Tv. David Vanlalpeka (Soloist), Mission Veng-in a ṭawiawm. August 4 (Thawhṭan) zanah Dr. Lalliansangan thuchah a sawi a, inkhawm ban Fellowship-ah Pu V. Lalrinmawian thuchah tawi a sawi. August 5 chu Jubilee pual a ni a, jubilee dar vuak a ni a, chawhma inkhawm a awm a, jubilee ruai ṭheh a ni bawk.
- August 7, 2014 (Ningani) khan Maubawk Branch Diamond Jubilee lawmna hmanpuiin Leader Rev. J. Lalremsiama a kal a, jubilee dar vuain thuchah a sawi; jubilee ruai an kil ho bawk a ni.
- August 9, 2014 (Inrinni) zan khan Kristian Ṭhalai Pawl, Bethlehem Branch ten Inter Branch Quiz Competition an buatsaih chu Final neih a ni. He intihsiakah hian Branch 66 an tel a, Melthum Branch Pakhatna niin Lily Veng Branch Pahnihna an ni. CKṚP General Secretary Upa Zonunmawia leh Assistant Leader Pu Samuel Laldingliana ten lawmman an sem a ni.
- August 8-10, 2014 chung khan Muallungthu Bial KṚP Meet, Falkawn Kohhranah neih a ni a. He hun hmanpui hian T.Upa Richard B. Lalhriatpuia leh Pu Zonunsanga Ralte te an kal a. Inrinni chawhmaah Drama Competition neih chu hruaitu kalte hian an endik a, zanah Pu Richarda'n thuchah a sawi bawk a ni.
- **HOSPITAL CHARITY FUND HLANNA:** August 12, 2014 (Thawhlehn) 2:00 p.m. khan KṚP General Conference 2014/Diamond Jubilee-a thurel General No. 2 "*Synod Hospital pualin inkhawm ṭum khat thawhlawm lak khawm ni se*", tih bawhzuia Bial hrang hrangten Central KṚP Office-a thawhlawm an chhun khawm tling khawm Rs. 4,76,102 (cheng nuaili leh singsarih leh sangruk leh za leh pahnih) chu Synod

Hospital khawl thar, Blood Component Separator hlanna inkhawmah Central KṚP Leader Rev. J. Lalremsiaman Hospital Director Dr. Vanlalruata hnenah a hlan. Hospital Charity Fund hi (Aug. 12, 2014) thleng hian Bial 146 aṅanga dawn a ni a, Bial 33 aṅangin dawn a la ni lo. La dawn loh te hi dawn kim hunah hlan leh a ni ang.

■ August 25, 2014 (Thawhṅan) zan khan Ṭhuampui Branch Evangelical Nite hmanpuiin Leader Rev. J. Lalremsiaman a kal a, thuchah a sawi. Leader hi Durtlang Bial Zaipawlin an ṭawiawm a ni.

■ August 27-28, 2014 khan Rajiv Gandhi National Institute of Youth Development leh Mizoram University buatsaih Capacity Building programme, Mizoram University a neihah Dr. Julie Remsangpuii (Treasurer) leh NI. Lalbiakdiki, Khatla Branch te CKṚP aiawhin an kal.

■ **FALKLAND RAMYRC ATAN:** Synod Executive Committee (SEC) chuan Falkland Venga Pu Sangsiaman ram Synod-in a lei chu Central KṚP Youth Recreation Centre atan hman ni se, tiin a rel.

■ Human Trafficking, etc. chungchanga inzirtirna Booklet chu Bial/ Branch-ah thawn chhuah a ni tawh a. Hemi rual hian Hospital Charity, YRC pe tura inngenna te, Jubilee T-Shirt zawrh chhawn chungchang leh World AIDS Day (Dec.1, 2014) puala programme hman dan tur inhriattir a ni bawk.

■ **Synod Choir:** Central KṚP Committee meeting August 29, 2014 leh September 1, 2014-a ṭhukhawm chuan Mizoram Synod Choir 2014-2016 atan member 25 a ruat thar ta a. September 5, 2014 (Zirtawpni) tlai dar 4:30 khan Pi Zaii Hall, Synod Conference Centre-ah member ruat tharte hlanna inkhawm buatsaih a ni. Choir Hlanna inkhawm hi Central KṚP Asst. Leader Pu Samuel Laldinglian a kaihrui a, General Secretary Upa Zonunmawian Choir member tharte leh Central KṚP hruaitute inhmelhriattirna a nei a, Choir Director Pu R. Lalruatkiman thuchah tawi a sawi bawk. Synod Moderator Rev. K. Lalhmuchhuakan Synod Choir member 25-te Pathian hnenah hlanin duhsakna chibai a buk a, Central KṚP Leader Rev. J. Lalremsiaman fuihna thuchah a sawi a, Synod Moderator-in malsawmnain inkhawm ṭin a, Central KṚP hruaitute nen inhmelhriatna chawhlui an kil ho a, chaw ei khamah Choir Cabin an fang nghal bawk.

Synod Choir member term 1 hi kum 2 chhung (KTP General conference tum 2 huap) a ni a. Presbyterian Church of Wales-a rawngbawlna programme duan lawk a awm avangin kum 2012-2014 member-te term hi pawhsei hret a ni. Kum 2012-2014 term-a member ni sa 15 (Conductor thar tiamin) ruat nawn an ni a, mi thar 10 ruat an ni bawk. Synod Choir member ruat tharte hian September 16 -20 chhung khan Synod Conference Centre Choir Cabin-ah hla zir camp an nei nghal a ni.

Synod Choir ten Pathian rawngbawlna hlawhtling taka an nei h theih nan i tawngtaipui zel ang u.

MIZORAM SYNOD CHOIR MEMBER 2014-2016



Conductor : Pu Lallianmawia Tlau, Zemabawk

Director : Pu R. Lalruatkima, Committee Member, Central KTP

Sl.no	Hming	Bial	Branch
Soprano			
1	Ni. Lalfakzuali	Khatla	Khatla North
2	Ni. K. Lalremzuali	Dawrpui Vengthar	Dinthar
3	Ni. Nancy Zothanmawii	Mission Veng	Mission Veng
4	Ni. K. Lalrampani	Chanmari	Chanmari
5	Ni. Stacy V.L. Muanpuii	Tuikual	Tuikual
6	Ni. K. Lalremruati	Republic Veng	Republic Veng
Contralto			
7	Ni. Ramengmawii	Kulikawn	Kulikawn Vengthlang
8	Ni. Rodi Lalremruati	Tlangnuam	Tlangnuam
9	Ni. Lalchhuanmawii	Chhinga Veng	Tuithiang
10	Ni. Lalrammuanpuii	Bethlehem	Bethlehem
11	Ni. H. Lalthlanliani	Ramthar	Ramthar North
12	Ni. Lalremsiami	Venghnuai	Dam Veng
Tenor			
13	Dr. Zothansanga	Dawrpui	Dawrpui
14	Pu V.L. Ramdinthara	Chaltlang	Chaltlang
15	Tv. Thangdailova	Ramhlun Vengthar	Ramhlun Vengthlang
16	Tv. Lalrinzuala	Electric	Electric
17	Tv. Lalremsanga	Chawnpui	Zotlang
18	Tv. Joseph Lalfelfamkima	Ramhlun North	Ramhlun Venglai
Bass			
19	Tv. Lalrinthanga Sailo	Hlimen	Melthum
20	Tv. P.C. Lalhminghsanga	Leitan	Leitan
21	Tv. Lalduhawma	Maubawk	Maubawk West
22	Tv. Ramdingliana	Luangmual	Luangmual West
23	Tv. David Vanlalpeka	Chanmari West	Chanmari West Hmarveng
24	Pu Zoramzana	Bawngkawn	Bawngkawn

CENTRAL K.Ṭ.P HRUAI TUTE, 2014 – 2016

Office Bearers

Leader	: Rev. J. Lalremsiama	9862669230
Asst. Leader	: Pu Samuel Laldingliana	9436198740
Gen. Secretary	: Upa Zonunmawia	9436152024
Asst. Secretary	: Dr. Lalliansanga	9612241873
Treasurer	: Dr. Julie Remsangpuui	9436142235
Fin. Secretary	: Tv. R. Lalramnghaka	9436351374

Committee Members


Pu R. Lalruatkima	9436360571	T.Upa Richard B. Lalhriatpuia	8974287347
Pu C. Laldingliana	9436140834	Upa K. Rorelkima	9436153444
Pu Lalhangvunga Sailo	9862381275	Pu V. Lalrinmawia	9862563362
T. Upa T. Lalawmpuia	9436366519	Pu Ngurhmingliana	9436374104
Tv. Joseph Lalsangzuala	9436152063	Pu Vanlalpeka	9436153728
Pu Lalchhuanliana	9862364583	Pu K. Lalruatpuia	9862577177
Pu P.C. Biakmuanpuia	9436374833	Pu Zonunsanga Ralte	9402113038
T. Upa Lalmuanpuia	9436142398		

Ex-Officio Members

Rev. K. Lalhmuchhuaka	–	Synod Moderator
Upa H. Zoliana	–	Synod Secretary (Sr.)
Rev. P.C. Pachhunga	–	Executive Secretary, i/c KTP



Kantu – Kolasib Hmarveng Branch K.Ṭ.P.



Postal Regn. no. MZR/81/2012-2014
RNI No. MIZMIZ/2009/29074



Bawngkawn Branch K.T.P. Leadership Training (29.7.2014)



Kawrtethawveng Branch K.T.P. Diamond Jubilee



Muallungthu Bial K.T.P. Meet

Printed & Published by Zonunmawia, Synod Office, Mission Veng on behalf of Kristian Thalai Fellowship
Edited by Lalmuanpuia and printed at Synod Press, Mission Veng, Aizawl, Mizoram , Copies - 38,700